



Homenage na Robert Jeand'or

Un strea cu a nace den un pais chikito pero cu bida a dune un talento di oro, nunca e por a pensa cu un dia e lo por a logra bira un musico di renombre cu lo toca banda di artistanan di fama internacional, manera Sonora Matancera, Johnny Ventura y Celia Cruz.

Tempo e tabata chikito na Radio Kelkboom tabata toca hopi e musica di e grupo "Los Danzones Cubanos" semper atardi e e tabata para dilanti radio y e tabata bati su man ariba e ritmo di e musica y su tata (q.e.p.d) tempo e tabata tin 6 aña a encurasha Robert pa studia musica.

Robert su tata tabata un gran inspiracion y ademas un gran ayudo pa e por a cuminsa y desaroya su mes den e mundo di musica ya cu e tabata haci tur loke tabata na su alcance pa Robert por siña musica, ademas ta bin di un famia di artistanan na unda tur su rumanan tin di haber cu musica..

Tempo cu TeleAruba a habri (40 aña pasa), e propietario di Radio Carina Albert D'levantaller e tempo ey a pidi Robert pa toca cune na TeleAruba, y despues el a sigui canta cu e grupo "Blancas Palomitas" cu tabata un grupo di Aguinaldo, despues a sigui cu e grupo Alma Solis unda cu e tabata toca hunto cu su ruman homber Percy, Vi, Pedro y Chomon.

El a yega di toca na diferente programa manera esun di Piña Lampe hunto cu Doodel Sophia, e programa "Nos Cultura" di Hubert Booi, e programa di Ronnie Marugg, Tico Kuiperi y Janchi Tromp como tambe den tur hotel como tambe na diferente club y den fiestanan priva.

Su siguiente banda tabata "Los Juveniles" hunto cu Vicente Kelly, Victor Oduber, Ban Trimon, Ufo Jimenez y Mai Hernandez, unda cu a toca pa mas of menos 11 aña. Varios otro banda internacional cu a yega di presenta na

Aruba, Robert a haya e oportunidad di demostra su talento, na loke e artistanan internacional a conceha pa cuminsa busca e tereno internacional.

E famoso merengero Johnny Ventura a papia cuné y a elogie pa su voz y talento y a invite pa canta cu "El Gran Combo" y asina tempo cu un di e integrantenan di e grupo aki a separa di dje, e ora Johnny y su orquesta a planea pa bay busca e guy di Aruba, esta Robert, debi na tramitenan burocratico pa adkiri Visa pa keda biba na un lugar, a bira dificil pa Robert por a bay mesora pa uni e grupo di Johnny Ventura.

Un otro integrante a bin na lugar di Robert y asina Johnny Ventura a papia cu un amigo di dje cu tin su mesun cas disquero y a pidie pa busca Robert maske ya e vacatura tabata yen. Ora cu Robert a logra reuni finalmente cu Johnny Ventura, esaki a bise cu e lo cuminsa toca cu e grupo "Los Hijos del Rey" y asina el a conveni cu Robert cu



Pest Control

FREE Inspection, Advice and Estimate w/o Obligation


Prompt and Efficient Service

- Termites - Crawling & Flying Insects -
- Solution for Fly Problems - Flees & Ticks -
- Rats & Mice - Lawn and Garden Spray -

YOUR TOTAL PEST CONTROL COMPANY

Tel: 584-9800 - Fax: 584-2664 - Cel: 993-5000 - dalpest@hotmail.com - dalpestcontrolaruba.com

"LAGAMI PLAMA!!!"





Presentacion di e orquesta Los Hijos del Rey den un programa di TV. na Telemundo na Puerto Rico na final di añanan '70.

dia 15 di Januari 1979 e lo bay yama Robert, pa dune instruccionnan ariba su debut den e farandula internacional y finalmente e dia a yega: Robert tabata trahando den e antiguo compania Antillian Mercantile (awor Unicon), ora cu en berdad el a ricibi e yamada di Johnny Ventura cu tabata dune instruccionnan pa bula rumbo Republica Dominicana pasobra e lo haci su debut cu **"Los Hijos del Rey"**.

Su debut na TV a haya un gran acogida y e Stacion di TV cu tabata transmiti e presentacion a cuminsa haya yamadanan di elogio tanto pa cu e grupo n como pa Robert y hasta nan tabata pidi e Robert pa e keda na Santo Domingo. di Robert a keda cu e grupo 2 aña y mei.

Robert tabata tin na e momento ey un gran cantidad di oferta y especialmente a pa toca cu un orquesta di Puerto Rico, pa algo cu sigur e lo tabata desea di haci ya cu e semper a stima musica Salsa mas cu Merengue, sin embargo e tabata sinti di un gran afecto y admiracion pa su amigo Johnny Ventura kende tambe a extende asun man pa e por bira parti di su orquesta.

E la graba un salsa cu ta yama cu **"Puchula"** cu a sali durante 7 luna riba lohit parey, e la sali salsa di aña, prome delantica cu e la graba international ta un cusalsa cu ta yama **"El Viento"**, y cu esey

e la gana disco di oro. Esun cu a pega masha duro cu a hiba los Hijos del Rey te **Madison Square Garden** ta **"Yo me dominicano"** e disconan nan a pega asina duro cu cada vez nan ta hibe te na Madison Square Garden. cu los Hijos del Rey y cu Johnny Ventura, e la suma mas cu 10 biaha na sala grandi y na Felt Forum

E a biaha hopi pais di Europa, Chile, Colombia, etc., tur caminda, e la toca den tur sala na Latino America e la yega di acompaña Celia Cruz como bahista hopi biaha y corista cu Johnny Pacheco E la graba cu Juan Luis Guerra y nan a

gana un premio Grammy. Prome arubiano cu a gana 3 biaha consecutivo Rey di Tumba

Robert a yega di gana cu e cantica **"Rebeca"** un congo di oro nan a biaha tur caminda y pa un encuentro di orquesta nan mester a bai toca na Panam. Robert tabata recién opera y no por a biaha, pero Johnny ora e la yega na Panama a ripara cu tur hende kier tende **"Rebeca"**, e la haci lo posible pa Robert por bai canta.

Ademas Panama tin un tradicion durante e concierto tur hende ta cana cu paraplú pa ora e cantica mas popular ta wordo canta tur hende ta hibe, ora Robert a toca e cantica **"Rebeca"** tur hende a lanta nan paraplú y habrie; un logro cu nunca mas e por lubida, e tabata un experiencia incomparable.

Robert tin varios persona cu e tin cu gradici semper ta Rufo Odor su maestro di canto y musica y Eddy Benett e tin hopi pa gradici nan y Lando Garcia "e sanito" e ta gradici masha hopi, e la forza pa Johnny Ventura pone atencion riba su talento y Billy Bekker a pone cu e a canta cu Gran Combo dia cu e la bin Aruba.

Robert su carera artistico a conoce un direccion so: Ariba y awe e ta gradici esnan cu danki na nan el a logra bira e musico exitoso cu a alcanza e fama internacional.



Riba e foto aki nos por mira Robert hunto cu su esposa Vivian y su yiu Robertico Jeand'or



Cliffix Musical Instruments

Sales

Service

Repair

WWW.CLIFFIXARUBA.COM



BANDA Y DJ

DI 9'OR - 6' OR NON-STOP

Bernhardstraat 136 S.N. Tel. 5841732 clifford@setarnet.aw